

Paerewa Paetae

Aronga Tikanga ā-lwi 3.2

Ingoa Te tātari i tētahi rautaki whakapūmau ahurea a tētahi iwi taketake

Kaupae 3

Whiwhinga 5

Aromatawai Ā-roto

Marau akoranga Te Marautanga o Aotearoa

Kokonga akoranga Tikanga ā-lwi

Mana rēhita

Te rā i mana ai

Te rā e arotakengia ai

Te rā i puta ai

Te Hononga ki te Marautanga

I ahu mai tēnei paerewa paetae i te Taumata 8 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Matua

Te Wāhi me te Taiao

*I roto i te whenu o Te Wāhi me te Taiao ka whakawhanake mōhiotanga te ākonga ki:
2 Ngā mahi a te tangata hei atawhai i te taiao.*

Whāinga Paetae

Matawhenua

8.2 He rerekē ngā uara, ngā whakaaro me ngā urupare a te tangata ki ngā kōwhiringa, ngā aukati me ngā otinga ohaoha, pāpori, ā-taiao hoki o te whakarite me te whakatau kaupapa.

E hono ana ki te Papa Whakaako mō te Tikanga ā-lwi kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Paerewa Paetae

<p>Paetae Te tātari i tētahi rautaki whakapūmau ahurea a tētahi iwi taketake.</p>	<p>Ka whakamārama i ngā āhuetanga matua o te rautaki. Ka whakamārama i ngā tirohanga me ngā uara rerekē ka whai wāhi mai ki te rautaki. Ka matapaki i ngā hua o te rautaki, ka taunaki ai.</p>
<p>Kaiaka He kaiaka te tātari i tētahi rautaki whakapūmau ahurea a tētahi iwi taketake.</p>	<p>Ka whakamārama he aha te wāhi ki ngā tirohanga me ngā uara rerekē i te whakawhanaketanga o te rautaki, ka āta whakatauirā ai. Ka whakatau whakaaro mō te whaihua o te rautaki, ka āta taunaki ai.</p>
<p>Kairangi He kairangi te tātari i tētahi rautaki whakapūmau ahurea a tētahi iwi taketake.</p>	<p>Ka matapaki i ngā hua whānui o te rautaki. Ka tino mātau te whakatau whakaaro mō te whaihua o te rautaki, me te whakaputa whakaaro e kaha atu ai te rautaki. Ka āta taunakihia hoki.</p>

Kōrero Āpiti

E whai ake nei ngā whakamārama o ngā tino kupu, kīanga rānei:

<p>rautaki whakapūmau ahurea</p>	<p>He mahere nō mua, nō āiane rānei i whakaritea e tētahi iwi taketake mō te iwi ake, hei urupare ki tētahi take whakapūmau. Ko ētahi take pea, ko te:</p> <p>taiao</p> <ul style="list-style-type: none"> • pāpori – arā, nō wai te whenua, te mātauranga, te hauora • ahurea – arā, te reo, ngā tikanga • ōhanga – arā, te rawakore, te penapena pūtea, te whakawhanake whenua.
<p>ngā āhuetanga matua o te rautaki whakapūmau ahurea</p>	<p>Ko ngā tino wāhanga o te rautaki, pērā pea i:</p> <ul style="list-style-type: none"> • te whāinga me te pūtake • ngā mātāpono arataki • ngā whāinga tōmua • ngā inenga angitu • te taha whakahaere.
<p>ka taunaki ai</p>	<p>Me rapu ngā kōrero tautoko i te horopaki e tika ana, e whai mana ana hoki ki te rōpū e kōrerotia ana, inarā ngā kōrero e pā ana ki ngā whakapono me ngā mātāpono o taua rōpū.</p>

ka āta taunaki(hia)	Ka whakamahi i ngā kōrero tautoko whānui hei taunaki i te whakatau whakaaro. Hei tauira, ko: <ul style="list-style-type: none"> • te uiui tāngata • ngā tuhinga hītori • ngā pūrongo moheni, nūpepa rānei • ngā raraunga • ngā waiata tawhito.
ngā hua whānui	Ngā hua ka whakaarohia, engari kāore tonu i āta kōrerotia. Tēnā pea he hua taiao, hua pāpori, hua ohaoha, hua hītori, hua matawhenua, hua tōrangapū, hua whaiaro rānei.
ka tino mātau te whakatau whakaaro	He āta tuitui kōrero i runga i te aronga hou, i te aronga auaha, he tūhura i ngā pānga rehurehu, he whakamahi i ngā pūkenga whakaaro ikeike pērā i te whakahiato whakaaro hei whakaatu i te hua pai o te rautaki mō ngā tau kei te heke mai.

Kuputaka:
whāinga tōmua

priority

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233